



Inatsisartunut ilaasortaq Jens Napātôk´
Partii Naleraq

E-mail-ikkut nassiunneqarpoq uunga: inatsisartut@inatsisartut.gl

**Kangersuatsiami tunisassiorfik pillugu § 37 naapertorlugu
apeqquteqaammut nr. 278-imut akissuteqaat**

Asasara Jens Napātôk´

Inatsisartut suleriaasianni § 37 imm. 1 naapertorlugu Kangersuatsiami tunisassiorfik pillugu Naalakkersuisunut apeqquteqarputit. Apeqqutit uannut akisassanngorlugit innersuunneqarput.

Apeqqut 1:

Naalakkersuisunit isumaqataaffigineqarnerpaat Kangersuatsiami Upernaviup pigisaani tunisassiorfiup tunineqarnerani 2025-ip tungaanut qaleralinnik tunitsivigineqartussaannngitsutut piumasaqaammik pisussaaffilerneqarsimanera.

Akissut:

Akissuteqaat matuma kingulianiittoq Aalisarnermut, Piniarnermut Nunalerinermullu Naalakkersuisoqarfimmit pissarsiarineqarpoq. ”Siullermik erseqqissarneqassaaq, Naalakkersuisut tunisassiorfik pineqartoq ingerlatarinngikkaat. Taamaattoq Royal Greenland A/S-ip siusinnerusukkut piginnittuusup tunisassiorfik namminersorlutik suliaqartunut tunisimagaa, Naalakkersuisut ilisimavaat. Royal Greenland-ip ulluinnarni ingerlatsinerani ingerlatsinikkut suliassanut Naalakkersuisut akuliuttanngillat, tamannalu pissutigalugu niuernermi immikkut piumasaqaammik ilanngussisoqarsimanersoq paasissutissiisinaanatik.”

Apeqqut 2:

Taamaanngippat Naalakkersuisut pilersaaruteqarnerpat tunitsivigineqartussaannngitsutut piumasaqaammik pisussaaffilerneqarsimanerata atorunnaarsinneqarnissaanik piumasaqaateqarnissaminnut?

08-11-2018
Suliap nr. 2018 - 22326

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Akissut:

Akissuteqaat matuma kingulianiittoq Aalisarnermut, Piniarnermut Nunalerinermullu Naalakkersuisoqarfimmit pissarsiarineqarpoq. ”Royal Greenland A/S-ip ingerlanneqarnera pillugu apeqquq ingerlatseqatigiiffimmut toqqaannartumik ingerlateqquneqarpoq. Naalakkersuisut Royal Greenlandimi kisermaassillutik aktiaateqartuupput aammalu ingerlatseqatigiiffiup ulluinnarni ingerlanneqarnerani akuliuttaratik. Royal Greenland A/S suliffeqarfittut namminersortutut isigineqartartussaavoq.

Tamatuma saniatigut niuernikkut suliassani Royal Greenland A/S-ip ingerlataanni Naalakkersuisut nalinginnaasumik akuliuttanngillat. Tamanna pissutigalugu Naalakkersuisut niuernermi piumasagaammi aalajangersimasumi piumasagaatinik atorunnaarsitsisinnaanngillat, uani pineqartumi immikkut piumasagaammik.”

Apeqquq 3:

Nunaqarfimmut Kangersuatsiamut annertuumik najugaqartunut sunniutigipilussinnaasai eqqarsaatigalugit, Naalakkersuisut ineriartortitsinissamut pilersaaruteqarpat?

Akissut:

Naalakkersuisut inuussutissarsiornerup tassanilu atugassarititaasunut killissaliussat Kalaallit Nunaat tamakkerlugu ineriartortinneqarnissaannik anguniagaqarnerat, suliniutit arlallit aqutigalugit tunngavissinneqarpoq.

Aningaasanut inatsisikkoortumik inuussutissarsiornermi suliffeqarnermilu suliniutinut, nunaqarfinni isorliunerusunilu tunisassiorfinnik ingerlatsinerneq tapersiisoqartarpoq kiisalu puisip amiinik tunisisarnermut tapiissuteqartoqartarluni. Greenland Business-ip Naalakkersuisut sinnerlugit inuussutissarsiuutinik siuarsaanermeq aqqissuussat arlallit, namminersorlutik aallarnisaasartunut atugassiissutigineqartut, isumagisarai. Inuussutissarsiornerup siuarsarnissaanut aqqissuussinernit taakkuninnga tunisassianik ineriartortitsinerneq, avammut nioqquteqarnissamut tapersiissutinik, inuussutissarsiuutigalugu siunnersuisartunit ikiorneqarnissamut tapersiissutinik, kalaaliminernut, takornariartitsinerneq il.il. aningaasaliissutinik tunniussisoqartarpoq.

Nunarput tamakkerlugu takornariartitsisarneq ineriartortinniarlugu uanga Inuussutissarsiornermut Nukissiuuteqarnermullu Naalakkersuisutut 2018-imi aggustimi septembarimilu nunap immikkoortuini tamaginni takornariartitsisarneq pillugu isumasioqatigiissitsivunga. Siunertaavoq innuttaasut suliffeqarfiillu oqaloqatiginissaat aammalu takornariartitsisarnermut

periusissiamut pisussamut ilanngussassanik pissarsinissaq, taamaalilluni taanna najukkani sumiiffinni ataasiakkaani ineriartortitsisinnaassalluni.

Nukissiamik imermillu pilersuineq pillugu suleqatigiinneq annertusarniarlugu, Nukissiorfiit 2018-imi juunimi aalisakkerivinnik pilersuineq pillugu isumasioqatigiissitsivoq. Isumasioqatigiinnermi ilaatigut nukissiamik imermillu pilersuinnermut Suliassaqarfimmut pilersaarummi anguniakkat (ilanngullugu assigiimmik akeqartitsilerneq) kiisalu Qeqertani innaallagiamik imermillu pilersuilerneq ingerlasoq, sammineqarput. Isumasioqatigiinnermi ilaatigut oqaatigineqarpoq, tunisassiorfinni aningaasaliinerit ataqatigiissaarneqarnissaat, erngup pitsaassusaata misissorneqartarneranut atatillugu suleqatigiinnissaq periarfissaqarfiusinnaasoq kiisalu ataavartumik nukissiornermik atuinerup siuarsarneqarnissaanut periarfissat oqallisigineqarlutik. Nukissiorfiit nunami aalisakkerivinnut innaallagiamik imermillu pilersuinerup ataqatigiissaarneqarnissaa pillugu aalisarnermik suliaqartunik allanillu ataatsimeeqateqarnernik amerlanerusunik ingerlatsivoq.

Apeqqut 4:

Kangersuatsiap avatangiisaa pisuussutinik ulikkaarpoq, soorlu nipisaap suai, saarullit, assagiarsuit aammalu qalerallit. Tamanna toqqammavigalugu namminersortumik qinnuteqartoqarsimavoq nunaqqatigiit peqatigalugit siuarsaasoqarnissaanik, taannalu tusagassiuutitsigut akuersissummik pisimalluni takusimagaluarlugu, soq pisortatigoortumik akuersissut anngussimannginnersoq paaserusunnarpoq?

Akissut:

Aalisarnermut, Piniarnermut Nunalerinermullu Naalakkersuisoqarfimmit paasissutissiissutigineqarpoq qinnuteqartoq umiarsuarmik tunitsivimmik inissiiumalluni qinnuteqaammik nassiussisimavoq, taannalu Naalakkersuisunit akuerineqarsimalluni. Kingorna angallat tunitsivik suna aalisakkanik tiguisussatut ikkunniarnerlugu nalunaarutigeqqullugu qinnuteqartoq qinnuigineqarluni. Kisianni akuersissut piviusunngortinniarnarlugu qinnuteqartup nalunaarutiginngilaa.

Apeqqut 5:

Aasamut aalisarnerup aallarteqqinnissaanut pilersaarusiornissamut qinnuteqartoqaqippat, Naalakkersusiutli periarfissiinissamut aporfissalersuissappat kiisalu nunaqarfimmiut ineriartoqqinnissaat salliutillugu periarfissanik Naalakkersusiut peqataanissaminnut piareersimallutik aqqtissiueqataassappat?

Akissut:

apeqqummut 3-imut akissuteqaat innersuussutigaaara.

Inussiarnersumik inuulluaqqusillunga



Aqqalu Jerimiassen